

Galakan budaya keusahawanan di kalangan pelajar

Oleh **NOORASVILLA MUHAMMA**
noorasvilla@yahoo.com
4B 20/11/2011 B4

SANDAKAN: Seramai 68 pelajar tahun dua dari Sekolah Pertanian Lestari (SPL), Universiti Malaysia Sabah (Sandakan) menyertai Program Keusahawanan Tani 2011 yang berlangsung selama tiga hari bermula Jumaat lepas.

Program yang diadakan di perkarangan Pasaraya Giant, Batu 6 di sini itu turut membabitkan 10 penggerai dari Lembaga Pemasaran Pertanian Persekutuan (Fama) dan dua peniaga persendirian.

Berucap pada majlis itu, Dekan SPL, Profesor Madya Dr Mahmud Sudin berkata program yang julung kali diadakan itu bertujuan menggalakkan budaya keusahawanan di kalangan pelajar melalui aktiviti perniagaan.

"Melalui program ini, kita harap dapat menerapkan nilai kepimpinan dan semangat kerja berpasukan di kalangan pelajar yang terlibat di samping mewujudkan hubungan diplomatik antara warga



PENGHARGAAN ... Suzan (tengah) menyampaikan sijil penghargaan kepada Tsen atas sumbangan beliau terhadap program itu.

SPL dengan agensi pertanian.

"Pada masa sama, program ini secara tidak langsung membantu memperkenalkan SPL kepada masyarakat setempat," katanya sambil menambah ia mampu melatih pelajar mengendalikan serta

mengurus organisasi perniagaan sekaligus meningkatkan kemahiran berkomunikasi dan kepimpinan.

Teks ucapan beliau disampaikan oleh Timbalan Dekan (Akademik dan Antarabangsa) SPL, Dr Suzan @ Sarah Abdullah.

Hadir sama, Ahli



ALBUM ... (Dari kiri) Suzan dan Tsen merakamkan album kenangan bersama kumpulan WeGaiNature di sini, kelmarin.

Parlimen Batu Sapi, Datin Linda Tsen Thau Lin dan Penasihat Program Keusahawanan Tani 2011, Bonaventure Boniface.

Daripada keseluruhan pelajar yang terlibat, sebanyak tujuh kumpulan dengan memiliki nama syarikat sendiri diwujudkan di mana masing-masing menjalankan perniagaan berkonsepkan produk hasil pertanian.

Kumpulan itu termasuk Real Business, My Food Sdn Bhd, Eco-Mescunfin, Earth Assistance, Synergy Green, WeGaiNature dan Rojalicious.

Mahmud turut melahirkan penghargaan

TURUT TERLIBAT ... Kumpulan Synergy Green yang turut terlibat dalam Program Keusahawanan Tani 2011 pada 18-20 November.



kepada semua pihak terlibat dan berharap program itu dapat memupuk semangat keusahawanan di kalangan pelajar dan masyarakat setempat.

"Besar harapan kami agar mahasiswa dan mahasiswi SPL dapat mempelajari serta menimba pengalaman mengendalikan perniagaan sendiri selain memberi suntikan semangat untuk mereka menceburi bidang perniagaan apabila melangkah ke alam pekerjaan kelak," katanya.